

**P'raya tempatan P Pinang 'terbatal secara automatik'**

**MalaysiaKini.com**

**June 12, 2012**

**By Hazlan Zakaria**

Enakmen yang diluluskan di Pulau Pinang baru-baru ini untuk memulihkan pilihan raya majlis tempatan "terbatal secara automatik" kerana ia bertentangan dengan undang-undang persekutuan, kata Menteri Perumahan dan Kerajaan Tempatan, Datuk Chor Chee Heung.

Chor memberitahu Dewan Rakyat semasa sesi soal-jawab hari ini bahawa enakmen di Pulau Pinang itu bercanggah dengan Seksyen 15 Akta Kerajaan Tempatan 1976.

Menurut Perkara 75 Perlembagaan Persekutuan, mana-mana undang-undang negeri yang bercanggah dengan undang-undang persekutuan, secara automatik terbatal, katanya.

Beliau menjawab soalan Loh Gwo-Burne (PKR-Kelana Jaya) yang bertanya mengenai kemungkinan memulihkan undi ketiga, untuk membolehkan rakyat memilih wakil mereka dalam pihak berkuasa tempatan.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/200627>